

盆兒鬼

第三折

〔正末扮張徹古上云〕老漢張徹古是也。幼年間在開封府做着個五衙都首領。如今老了也。多虧包待制大人可憐見。着老漢柴市裏討柴。米市裏討米。養濟着老漢過其終身。有這瓦窰村盆確趙小弟子孩兒。常在俺處寄賣家火。許了俺一個夜盆兒。數番家說謊。只是不與。俺老漢今日無甚事。不免到他家裏討這盆兒走一遭也呵。〔唱〕

〔越調鬪鶴鶉〕俺如今赤手空拳。少柴也那缺米。常則是甘分隨緣。麤衣糲食。俺從來壯歲無兒。更臨老也那喪妻。恰纔行了一直又蚤歇了一會。可憐俺斑白頭毛佯羸的這瘦體。

〔紫花兒序〕想起俺少時節。眼明手捷。體快身輕。到如今老了也。腰曲頭低。那裏每汪汪犬吠。隱隱疎籬。俺這裏舉目觀窺。原來是竹塢人家傍小溪。俺行到這盆確兒趙家田地。走的來口內煙生。好着俺氣喘狼籍。

〔云〕蚤來到這瓦窰村盆確趙家門首也。怎麼青天白日關着門哩。這個弟子孩兒又不知幹下甚的勾當。待俺喚門咱。〔做叫云〕盆確趙開門來。開門來。〔淨同搽旦上云〕是唯喚門。待我開這門看去。〔做見科云〕元來是張徹古老的。你來我家做甚麼。〔正末云〕盆確趙你這弟子孩兒。你許了老漢一個夜盆兒。幾番家到俺處寄家火賣。只不與俺。這一個盆兒值得甚的。直着老漢親自上門問你討那。〔淨云〕盆兒有。我可忘了。你倒記得。常言道老而不死是爲賊。正是你這樣人。〔搽旦云〕你看這白鬚搭颯的是像個賊。〔正末唱〕

〔小桃紅〕你道俺老而不死是爲賊。俺若不死成何濟。〔淨云〕老的也。你如今多大年紀。日逐柴米是那個供給你。〔正末唱〕俺巴到新年便整整的八十歲。柴和米是誰給。只有您後輩無先輩。〔淨云〕老的也。你有幾個同輩弟兄。試說一遍與我聽咱。〔正末云〕俺同輩弟兄有十個。〔淨云〕可是那十個。〔正末云〕老的老了。死的死了。則剩下俺三個。王弘道。李從善和老漢。〔唱〕呀。昨日個王弘道命虧。今日個李從善辭世。天那則俺那一班兒白髮故人稀。

〔云〕盆確趙。你與俺這夜盆兒等俺回去。〔淨云〕大嫂。你取那盆兒出來送張老的。〔搽旦取盆出科云〕兀的不是你取了去。〔正末做取盆科云〕盆確趙。你這盆怎生了也。〔淨云〕喂。你這老的。我在後面窰上取出來的。纔放在地下。就會生了根。有這等話。〔正末云〕你這小弟子孩兒。許了俺一個盆兒。若多時纔與得俺。也該揀一個好的。怎生與俺個破聲雌雌的。不好俺不要。則與俺一個好的去。〔淨虛轉科云〕老的。我另換一個與你。〔正末彈盆兒科云〕不好。有些聲叉。再換一個。〔淨又虛轉科云〕這個盆兒好。〔正末云〕這一個像是好的。〔淨笑科云〕左右是他。〔正末做取盆謝科云〕俺老漢回家去也。〔淨云〕老的。你是往大路來的往小路來的。〔正末云〕俺纔往大路上來。如今可往小路上回回去。略近些兒。〔淨云〕老的。天晚了。不如仍往大路回去。大路上沒鬼。小路上可有鬼。〔正末云〕有鬼有鬼。我打你這賊嘴。俺是不怕鬼張徹古。汴梁有名的。俺會天心法地心法那吒法書符呪水吾奉太上老君急急如律令攝。就有鬼見了俺時。蚤說的他七里八里躲了也。〔淨云〕你會天心法地心法那吒法。有這許多法。你去罷。〔做推出門科云〕大嫂。仍舊的關上門。到後院裏喫酒去來。〔同搽旦下〕〔正末上云〕老漢問盆確趙討了一個盆兒。天色漸晚。只索趕回家去。適纔盆確趙說小路上有鬼。誰不知道俺是不怕鬼的張徹古。俺的性兒。撮鹽入水。呀。天色晚了。俺也要行動些。〔唱〕

〔天淨沙〕俺急煎煎向前路奔馳。〔做驚科云〕背後是什麼人走響。〔做回頭喝科云〕喂。那個。〔唱〕是那個磕撲撲在背後追隨。〔帶云〕兀的不說殺老漢也。〔唱〕這扯住我的不知是誰。〔云〕誰不知老漢是不怕鬼的張徹古。俺的性兒。撮鹽入水。俺會天心法地心法那吒法書符呪水

吾奉太上老君急急如律令攝。便有鬼見了俺時。蚤說的他七里八里躲了。〔唱〕莫不是山精鬼魅。〔正末做跌科〕〔魂子上打正末科〕〔正末起喝云〕打鬼。打鬼。〔做細看科唱〕呀。却原來是棘鍼科抓住衣袂。

〔云〕吓。被這棘鍼科抓住。倒絆了我一交。〔做行科〕〔魂子做隨哭科云〕老的也。〔正末做驚科云〕那裏這般哭。〔魂子云〕老的也。〔正末做聽科云〕元來不是哭聲。有人叫老的老的。想起來了。敢是那放牛的牧童。清早晨間出來。趕着三五隻牛兒。到晚來不見了一隻。你便道老的。你可見我那牛兒來麼。小弟子孩兒。你不見了牛呵。干俺屁事。〔唱〕

〔寨兒令〕小孩兒每將俺欺。待捉弄俺這老無知。多敢是放牛的牧童沒道理。〔魂子做哭科〕〔正末云〕兀的不是哭聲。〔唱〕做什麼切切悲悲。哭哭啼啼。〔帶云〕哦。我曉得了。〔唱〕莫不是風緊鴈行疾。

〔魂子做哭科〕〔正末聽科云〕又不是鴈聲。是那個哭哩。〔唱〕

〔幺篇〕眼見的路絕人稀。不由俺不誠的魄散魂飛。〔魂子做打正末頭科〕〔正末喝云〕打鬼。打鬼。〔唱〕我聽沉了多半晌。〔做回顧科唱〕觀瞻了四週圍。〔帶云〕打鬼。打鬼。〔唱〕呀。呆老子也。却原來是一個土骨堆。

〔云〕老漢可也老的糊突了。一個土骨堆。只管叫道有鬼有鬼。俺是不怕鬼的張徹古。俺的性兒。撒鹽入水。俺會天心法地心法那吒法書符呪水吾奉太上老君急急如律令攝。便有鬼見了俺時。早說的他七里八里躲了也。〔魂子做叫科云〕老的也。〔正末云〕則被這鬼纏殺我也。幸喜來到家門首了。草索兒拴着門。待俺放下這盆兒。解掉草索。開開這門。〔做取盆入門魂子隨入科〕〔正末做歎氣魂子亦歎氣科〕〔正末唱〕

〔黃鶯〕他那裏吁吁的喘氣。俺這裏轉轉的疑惑。剛走到家來可便坐地。猛然間心中記起。

〔慶元貞〕俺出門紅日乍平西。歸時猶未夕陽低。怎教俺擔驚受怕着昏迷。

〔做沉吟科云〕嗨。俺是忘了。〔唱〕這都是咱老背悔。門兒外不曾撒的把兒灰。

〔云〕人說門前撒下一把灰。那邪神野鬼便不敢進來。〔魂子云〕老的也。我進來多時了也。〔正末云〕待俺房簷上扯把草兒去燒着火來。〔做扯草科云〕草可有了。俺去時節竈窩裏埋着些牛糞火兒。俺看有也是無。〔做吹火科〕〔魂子打正末口科〕〔正末云〕燒鬍子也。吓。原來是個貓兒撞將出來。把鬚鬚鬚鬚爭些兒都燒了。〔做罵科云〕俺知道了也。是隔壁王婆婆家的貓兒。他也不喂這貓兒。常來俺這邊偷東西吃。等俺罵他去。王婆婆。你家的貓兒你不喂他。到俺家來放下的。肉也偷吃了。飯也偷吃了。雞兒鴨兒也偷吃了。竈裏灰也偷吃了。你還強嘴哩。到明日和你整理。〔做點燈科云〕待我點起燈來。

〔做提羊皮科云〕這羊皮襖上不知是虱子也是虻蚤。我試尋咱。〔魂子云〕老的也。兀的不是一個虻蚤。

〔正末云〕干你腿事。等我鋪下這羊皮襖睡一覺波。〔做鋪羊皮睡科〕〔魂子做偷羊皮科〕〔正末云〕好是奇怪。每日價鋪着這羊皮暖烘烘的睡覺。怎麼今日冰也似這般冷的。〔做摸科云〕原來偷了俺羊皮去。有賊也。地方拏賊那。〔唱〕

〔黃鶯〕俺這裏高聲叫有賊。慌走到街裏又無一個巡軍捷譏。着誰來共咱應對。

〔慶元貞〕扭回身。疾便入房內。〔做跌科〕〔唱〕被門程絆我一個合撲地。〔魂子將羊皮在正末頭上轉科〕〔正末云〕拿住賊也。〔唱〕一隻手揪住這廝潑毛衣。使拳槌和脚踢。吓。原來是一領舊羊皮。

〔云〕原來這羊皮襖蓋在我頭上。倒叫有賊。害得俺一夜不曾得睡。俺可要起來小解了。有盆確趙與俺一個盆兒。俺試用咱。〔做溺尿科〕〔魂子擲過盆兒科〕〔正末云〕怎生不聽見盆裏響。倒在地下響。

〔做摸科云〕噯。老漢老的糊突了。盆兒在那邊。可在這邊小解。〔做過那邊科〕〔魂子又撥過盆兒科〕
 〔正末摸科驚云〕可怎生又走過那邊去了。〔魂子頂盆兒科〕〔正末摸科云〕噯。可怎生起在半空裏
 來了也。〔唱〕

〔禿廝兒〕本指望早起晚夕。方便俺淨手更衣。吃了這湯多水多偏夜起。誰想道有今日這般樣蹺蹊。

〔聖藥王〕俺可便趕到這壁。他可便走到那壁。則見他來來往往半空飛。他可便走到這壁。俺可便趕到那壁。懶得俺渾身上下汗淋漓。噯。恰好是一夜不曾尿。

〔魂子拿盆兒近前跪科〕〔正末驚科〕〔唱〕

〔鬼三台〕則見他來到根底。諛的俺忙迴避。〔魂子云〕老的也。可不道你這性兒。撮鹽入水哩。〔正末唱〕俺性格兒撮鹽入水。〔魂子云〕你不是張徹古。〔正末唱〕俺名姓你須知。〔魂子云〕可不道你是不怕鬼的。〔正末唱〕鬼也。俺從今後怕你。〔魂子云〕你會天心法那。〔正末唱〕天心的這正法。俺可也不省得。〔魂子云〕你會那吒法那。〔正末唱〕鬼也。那吒的那法力不理會。〔魂子云〕你不會呪水書符。〔正末唱〕俺那裏會呪水書符。都則是瞞神也那諛鬼。

〔魂子云〕老的也。你怎的這天心法地心法那吒法可都不濟事了那。〔正末唱〕

〔調笑令〕俺這裏問你。你待欲何爲。〔魂子云〕你試猜着。〔正末唱〕你莫不是野鬼孤魂索酒食。〔魂子云〕不是。〔正末唱〕是什麼邪魔外道通名諱。〔魂子云〕也不是。〔正末云〕又不是。〔唱〕畢竟是甚的東西。〔魂子云〕我便是這盆兒。這盆兒便是我。〔正末唱〕他與了我個夜盆兒。定害的俺無整理。〔云〕盆罐趙弟子孩兒也。〔唱〕若是那水缸呵。着俺怎地支持。

〔云〕俺且問你。你是個人可還是個鬼。怎生到得俺家裏來。〔魂子云〕我在你衣襟底下帶進來的。〔正末罵門神科云〕俺罵那門神戶尉去。好門神戶尉也。你怎生把鬼放進來了。俺要你做甚麼。〔唱〕

〔麻郎兒〕俺大年日將你帖起。供養了饊子茶食。指望你驅邪斷祟。指望你看家守計。

〔么篇〕呸。俺將你畫的這惡支殺樣勢。莫不是盹睡了門神也那戶尉。兩下裏桃符定甚大戩。〔做扯碎鍾馗科〕〔唱〕手攞了這應夢的鍾馗。

〔魂子云〕老的也。你與我做主咱。〔正末云〕你說的明白。俺好與你做主。〔魂子做哭科云〕老的可憐見。孩兒叫做楊國用。就是汴梁人。販些南貨做買賣去。賺得五六個銀子。前日回來。不期天色晚了。投到瓦窰村盆罐趙家寄宿。他夫妻兩個。圖了我財。致了我命。又將我燒灰搗骨。捏成盆兒。則指望盛湯盛水。不想道送你老人家做了個夜盆兒。這腌臢臭穢教我如何受得。老的也。怎生可憐見。與我做主咱。〔正末云〕哦。原來如此冤枉。盆兒也。爭奈你是個鬼魂。俺是個人。可怎生與你做主。〔魂子云〕老的也。你則把這盆兒拿到包待制爺爺面前。你去那盆沿兒上敲三下。我就玎玎瓏瓏的說起話來。〔正末云〕既是這等呵。俺便與你做主。天色明了。俺鎖了門。拿這盆兒見包待制走一遭去。〔做出門科云〕且住。私場演官場用。若到開封府去他不說時。如何是了。待俺試敲咱。這是盆沿兒。〔做敲科云〕一二三。〔魂子云〕老的。你教我說。我玎玎瓏瓏的說與你聽。〔正末唱〕

〔收尾〕俺將這瓦盆兒親提到南衙內。直告那龍圖待制。便不拿的他下地獄且由他。〔帶云〕盆兒也。〔唱〕但得你見青天。您時節。可也快活殺你。〔同魂子下〕

牡丹亭

湯顯祖

第九齣 肅苑

〔一江風〕〔貼上〕小春香。一種在人奴上。畫閣裏從嬌養。侍娘行。弄粉調朱。貼翠拈花。慣向妝臺傍。陪他理繡牀。陪他燒夜香。小苗條喫的是夫人杖。

花面丫頭十三四。春來綽約省人事。終須等着個助情花。處處相隨步步覷。俺春香。日夜跟隨小姐。看他名爲國色。實守家聲。嫩臉嬌羞。老成尊重。只因老爺延師教授。讀到毛詩第一章。窈窕淑女。君子好逑。悄然廢書而嘆曰。聖人之情。盡見於此矣。今古同懷。豈不然乎。春香因而進言。小姐讀書因悶。怎生消遣則個。小姐一會沈吟。逡巡而起。便問道。春香。你教我怎生消遣那。俺便應道。小姐。也沒個甚法兒。後花園走走罷。小姐說。死丫頭。老爺聞知怎好。春香應說。老爺下鄉。有幾日了。小姐低頭不語者久之。方纔取過曆書選看。說。明日不佳。後日欠好。除大後日。是個小遊神吉期。預喚花郎。掃清花徑。我一時應了。則怕老夫人知道。卻也由他。且自叫那小花郎分付去。呀。迴廊那廂。陳師父來了。正是。年光到處皆堪賞。說與癡翁總不知。

〔前腔〕〔末上〕老書堂。暫借扶風帳。日暖鉤簾蕩。呀！那迴廊。小立雙鬢。似語無言。近看如何相。是春香。問你恩官在那廂。夫人在那廂。女書生怎不把書來上。

〔貼〕原來是陳師父。俺小姐這幾日沒工夫上書。〔末〕爲甚。〔貼〕聽呵。

〔前腔〕甚年光。忒煞通明相。所事關情況。〔末〕有甚麼情得。〔貼〕老師父還不知。老爺怪你哩。〔末〕何事。〔貼〕說你講毛詩。毛的忒精了。俺小姐呵。爲詩章。講動情腸。〔末〕則講了個關關雎鳩。〔貼〕故此俺小姐說。關了的雎鳩。尚然有洲渚之興。可以人而不如鳥乎。書要埋頭。那景致則擡頭望。如今分付。明後日遊後花園。〔末〕爲甚去遊。〔貼〕他平白地爲春傷。因春去的忙。後花園要把春愁漾。

〔末〕一發不該了。

〔前腔〕論娘行。出入人觀望。步起須屏幃。春香。你師父靠天。也六十來歲。從不曉得傷個春。從不曾遊個花院。〔貼〕爲甚。〔末〕你不知。孟夫子說得好。聖人千言萬語。則要人收其放心。但如常。着甚春傷。要甚春遊。你遊春歸怎把心兒放。小姐既不上書。我且告歸幾日來。春香呵。你尋常到講堂。時常向瑣窗。怕燕泥香點渦在琴書上。

我去了。繡戶女郎閒鬪草。下帷老子不窺園。〔下〕〔貼弔場〕且喜陳師父去了。叫花郎在麼。〔叫介〕花郎。

〔普賢歌〕〔丑小花郎醉上〕一生花裏小隨衙。偷去街頭學賣花。令史們將我揸。祇候們將我搭。狠燒刀險把我嫩盤腸生灌殺。

〔見介〕春姐在此。〔貼〕好打。私出衙前騙酒。這幾日菜也不送。〔丑〕有菜夫。〔貼〕水也不挑。

〔丑〕有水夫。〔貼〕花也不送。〔丑〕每早送花。夫人一分。小姐一分。〔貼〕還有一分哩。〔丑〕這該打。〔貼〕你叫什麼名字。〔丑〕花郎。〔貼〕你把花郎的意思。講個曲兒俺聽。講的好。饒打。

〔丑〕使得。

〔梨花兒〕小花郎看盡了花成浪。則春姐花沁的水洗浪。和你這日高頭偷眼眼。嚟。好花枝干驚了作麼朗。

〔貼〕待俺還你也哥。

〔前腔〕小花郎做盡花兒淚。小郎當夾細的大郎當。〔丑〕哎喲。〔貼〕俺待到老爺回時說一淚。〔揪丑髮介〕嚟。敢幾個小榔頭把你分的朗。

〔丑倒介〕罷了。姐姐。爲甚事光降小園。〔貼〕小姐大後日來瞧花園。好些掃除花逕。〔丑〕知道了。

第十齣 驚夢

〔遶池遊〕〔旦上〕夢回鶯囀。亂煞年光遍。人立小庭深院。〔貼〕注盡沈煙。拋殘繡線。恁今春關情似去年。

〔烏夜啼〕〔旦〕曉來望斷梅關。宿妝殘。〔貼〕你側着宜春髻子。恰憑闌。〔旦〕剪不斷。理還亂。悶無端。〔貼〕已分付催花鶯燕。借春看。〔旦〕春香。可曾叫人掃除花逕。〔貼〕分付了。〔旦〕取鏡臺衣服來。〔貼取鏡臺衣服上〕雲髻罷梳還對鏡。羅衣欲換更添香。鏡臺衣服在此。

〔步步嬌〕〔旦〕裊晴絲吹來閒庭院。搖漾春如線。停半晌整花鈿。沒揣菱花。偷人半面。迤逗的彩雲偏。〔行介〕步香闈怎便把全身現。

〔貼〕今日穿插的好。

〔醉扶歸〕〔旦〕你道翠生生出落的裙衫兒茜。豔晶晶花簪八寶填。可知我常一生兒愛好是天然。恰三春好處無人見。不提防沈魚落雁鳥驚諠。則怕的羞花閉月花愁顫。

〔貼〕早茶時了。請行。〔行介〕你看。畫廊金粉半零星。池館蒼苔一片青。踏草怕泥新繡襪。惜花疼煞小金鈴。〔旦〕不到園林。怎知春色如許。

〔皂羅袍〕原來姹紫嫣紅開遍。似這般都付與斷井頽垣。良辰美景奈何天。賞心樂事誰家院。恁般景致。我老爺和奶奶再不提起。〔合〕朝飛暮卷。雲霞翠軒。雨絲風片。煙波畫船。錦屏人忒看的這韶光賤。

〔貼〕是花都放了。那牡丹還早。

〔好姐姐〕〔旦〕遍青山啼紅了杜鵑。荼蘼外煙絲醉軟。春香呵。牡丹雖好。他春歸怎占的先。〔貼〕成對兒鶯燕呵。〔合〕閒凝盼。生生燕語明如翦。嚶嚶鶯歌溜的圓。

〔旦〕去罷。〔貼〕這園子委是觀之不足也。〔旦〕提他怎的。〔行介〕

〔隔尾〕觀之不足由他繾。便賞遍了十二亭臺是惘然。到不如興盡回家閒過遣。

〔作到介〕〔貼〕開我西閣門。展我東閣牀。瓶插映山紫。鑪添沈水香。小姐。你歇息片時。俺瞧老夫人去也。〔下〕〔旦嘆介〕默地遊春轉。小試宜春面。春呵。得和你兩留連。春去如何遣。咳。恁般天氣。好困人也。春香那裏。〔左右瞧介〕〔又低首沈吟介〕天呵。春色惱人。信有之乎。常觀詩詞樂府。古之女子。因春感情。遇秋成恨。誠不謬矣。吾今年已二八。未逢折桂之夫。忽慕春情。怎得嬾宮之客。昔日韓夫人得遇于郎。張生偶逢崔氏。曾有題紅記。崔微傳二書。此佳人才子。前以密約偷期。後皆得成秦晉。〔長嘆介〕吾生於宦族。長在名門。年已及笄。不得早成佳配。誠爲虛度青春。光陰如過隙耳。

〔淚介〕可惜妾身顏色如花。豈料命如一葉乎。

〔山坡羊〕〔旦〕沒亂裏春情難遣。驀地裏懷人幽怨。則爲我生小嬋娟。揀名門一例一例裏神仙眷。甚良緣。把青春拋的遠。俺的睡情誰見。則索因循覩映。想幽夢誰邊。和春光暗流轉。遷延。這衷懷那處言。淹煎。潑殘生除問天。

身子困乏了。且自隱几而眠。〔睡介〕〔夢生介〕〔生持柳枝上〕鶯逢日暖歌聲滑。人遇風晴笑口開。一徑落花隨水入。今朝阮肇到天台。小生順路而來。跟着杜小姐回來。怎生不見。〔回看介〕呀。小姐。小姐。〔且作驚起相見介〕〔生〕小生那一處不尋訪小姐來。卻在這裏。〔且作斜視不語介〕〔生〕恰好花園內折取垂柳半枝。姐姐。你既淹通書史。可作詩以賞此柳枝乎。〔且作驚喜欲言又止介〕〔背云〕這生素昧平生。何因到此。〔生笑介〕小姐。咱愛殺你哩。

〔山桃紅〕則爲你如花美眷。似水流年。是答兒閒尋遍。在幽閨自憐。小姐。和你那答兒講話去。〔且作含羞不行〕〔生作牽衣介〕〔旦低問介〕那邊去。〔生〕轉過這芍藥欄前。緊靠着湖山石邊。〔旦低問〕秀才。去怎的。〔生低答〕和你把領扣鬆。衣帶寬。袖稍兒搵着牙兒苦也。則待你忍耐溫存一晌眠。〔且作羞〕〔生前抱〕〔且推介〕〔合〕是那處曾相見。相看儼然。早難道這好處相逢無一言。〔生強抱旦下〕

〔末花神束髮冠紅衣插花上〕催花御史惜花天。檢點春工又一年。蘸客傷心紅雨下。勾人懸夢綵雲邊。吾乃掌管南安府後花園花神是也。因杜知府小姐麗娘。與柳夢梅秀才。後日有姻緣之分。杜小姐遊春感傷。致使柳秀才入夢。咱花神專掌惜玉憐香。竟來保護他。要他雲雨十分歡幸也。

〔鮑老催〕單則是混陽烝變。看他似蟲兒般蠢動把風情搵。一般兒嬌凝翠綻魂兒顛。這是景上緣。想內成。因中見。呀！淫邪展污了花臺殿。咱待拈片落花兒驚醒他。〔向鬼門丟花介〕他夢酣春透了怎留連。拈花閃碎的紅如片。

秀才。纔到得半夢兒。夢畢之時。好送杜小姐仍歸香閣。吾神去也。〔下〕

〔山桃紅〕〔生且攜手上〕這一霎天留人便。草藉花眠。小姐可好。〔旦低頭介〕〔生〕則把雲鬢點。紅鬆翠偏。小姐。休忘了呵。見了你緊相偎。慢廝連。恨不得肉兒般團成片也。逗的個日下胭脂雨上鮮。〔旦〕你可去呵。〔合前〕

〔生〕姐姐。你身子乏了。將息。將息。〔送旦依前作睡介〕〔輕拍旦介〕姐姐。俺去了。〔作回顧介〕姐姐。你好十分將息。我再來瞧你那。行來春色三分雨。睡去巫山一片雲。〔下〕〔且作驚醒低叫介〕秀才。秀才。你去了也。〔又作寢睡介〕〔老上〕夫婿坐黃堂。嬌娃立繡窗。怪他裙袂上。花鳥繡雙雙。孩兒。孩兒。你爲甚睡在此。〔且作醒叫秀才介〕咳也。〔老〕孩兒怎的來。〔且作驚起介〕奶奶到此。〔老〕我兒何不做些鍼指。或觀玩書史。舒展情懷。因何畫寢于此。〔旦〕兒適花園中閒玩。忽值春暄惱人。故此回房。無可消遣。不覺困倦少息。有失迎接。望母親恕兒之罪。〔老〕孩兒。這後花園中冷靜。少去閒行。〔旦〕領母親嚴命。〔老〕孩兒。書堂看書去。〔旦〕先生不在。且自消停。〔老嘆介〕女孩家長成。自有許多情態。且自由他。正是。宛轉隨兒女。辛勤做老娘。〔下〕〔旦長嘆看老下介〕哎也天那。今日杜麗娘有些僥倖也。偶到後花園中。百花開遍。觀景傷情。沒興而回。晝眠香閣。忽遇一生。年可弱冠。豐姿俊妍。於園中折得柳絲一枝。笑對奴家說。姐姐既淹通書史。何不將柳枝題賞一篇。那時待要應他一聲。心中自忖。素昧平生。不知名姓。何得輕與交言。正如此想間。只見那生向前。說了幾句傷心話兒。將奴摟抱去牡丹亭畔。芍藥闌邊。共成雲雨之歡。兩情和合。真個是千般愛惜。萬種溫存。歡畢之時。又送我睡眠。幾聲將息。正待自送那生出門。忽直母親來到。喚醒將來。我一身冷汗。乃是南柯一夢。欠身參禮母親。又被母親絮了許多閒話。奴家口雖無言答應。心內思想夢中之事。何曾放懷。行坐不寧。自覺如有所失。娘呵。你叫我學堂看書。知他看那一種書消悶也。〔作掩淚介〕

〔綿搭絮〕雨香雲片。纔到夢兒邊。無奈高堂。喚醒紗窗睡不悞。潑新鮮。冷汗黏煎。閃的俺心悠步躡。意軟鬢偏。不爭多費盡神情。坐起誰忺則待去眠。

〔貼上〕晚妝銷粉印。春潤費香篝。小姐。熏了被窩睡罷。

〔尾聲〕〔旦〕困春心。遊賞倦。也不索香熏繡被眠。天呵。有心情那夢兒還去不遠。

◀ 出版新書 ▶

金文詁林 (現已出版五冊，餘十一冊一九七五年內全部出版)

金文詁林十四卷共裝訂十六冊，全書約一萬頁，三百萬言。由香港中文大學中國語文學系講座教授周法高領導張日昇、徐芷儀、林潔明等竭七年之力編成。該書係根據容庚三訂金文編十四卷中所收之字約一千九百個，不同形體約一萬八千個，殷周彝器三千餘，一一註明銘文原句約四萬條，收集清代及近代著述及論文數百種，并由編者加按語二十餘萬言，允為研究中國上古語言、文字、歷史、攷古、藝術者以及各大學、研究機構、圖書館必備參攷書籍。全套港幣六百元。特約預售外埠美金一百元，本埠港幣四百五十元。截止日期：一九七五年三月三十一日。

唐·李賀協律鈞元 罕傳善本叢書初編

唐李賀撰，清陳本禮箋注。本禮集取劉須溪、徐文長、董懋策、黃陶庵、曾謙甫、姚辱庵、董伯音、王琢厓、何義門、方扶南諸家評註李賀詩歌，彙萃而成。一九三五年間北京大學教授黃節批校本；劉虛瞻、謝國楨遞藏；桃花紙初印，極精。近日東西學人，研究李賀詩歌者均以未得見此本為憾。今香港中文大學古典叢書出版委員會，承樂在軒主人借珍藏清嘉慶戊辰原刻本，以聖經紙景印。原書板匡高一六·八橫二七公分，中式線裝成二冊，印數二百部。每部上下兩冊共售港幣一百元。

歡迎直接函購：請以香港中文大學名義抬頭，滙寄美金支票或滙票至香港九龍彌敦道六七七號十二樓香港中文大學出版部，平郵郵費在內。
Publications Office, The Chinese University of Hong Kong
677, Nathan Road, 12TH Floor Kowloon, Hong Kong.